

ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE PERSOAL, SERVIZOS, REFORMA ADMINISTRATIVA E SEGURIDADE CIDADÁ O DÍA 22 DE FEBREIRO 2013 ÁS 14:30 HORAS.

Sendo as catorce horas e trinta minutos (14:30) do día 22 de febreiro de 2013, reúnese en sesión ordinaria convocada ao efecto a Comisión Informativa Permanente de Persoal, Servizos, Reforma administrativa e Seguridade cidadá, coa asistencia das/os concelleiras /os que de seguido se indican.

Concelleiros/as asistentes:

Vocais:

Grupo municipal popular

Ramón García Argibay
Emilio Martínez Carballeira
Carmen Verde Leboráns

Grupo municipal socialista

Isabel González Cancela
José Manuel Miñones Conde

Concelleiras/os non adscritas/os

Xosé Anxo Doval Rey
Olalla Alvite del Río
Pilar Candocia Pita
Susana Mallo Redondo

Presidente: Don Santiago Vicente Amor Barreiro

Secretaria: Dona Rosa Ana Prada Queipo

Asisten tamén, a efectos informativos, os **informáticos municipais** don Miguel Díaz Aviñoá e don Enrique Freire Camafeita, e o **inspector da policía local** don José Antonio Rodríguez Freire.

ORDE DO DÍA:

o señor presidente da comisión don **Santiago Vicente Amor Barreiro** indica que están presentes nesta comisión informativa tanto os técnicos do Departamento de informática como o señor inspector da policía local do Concello, por si algún dos presentes quixera facer algunha pregunta técnica sobre os puntos que figuran na orde do día desta Comisión.

Punto primeiro.- Aprobación, se procede, de actas anteriores.

Por maioría absoluta dos membros presentes, coa abstención de don Emilio Martínez Carballeira e don Santiago Vicente Amor Barreiro, por non ter estado presentes nesa sesión, se presta aprobación á acta correspondente á sesión ordinaria de 25 de xaneiro de 2013.

Punto segundo.- Creación da sede electrónica do Concello de Ames de titularidade municipal cuxo enderezo electrónico de referencia será "sede.concellodeames.org" configurándose como unha subsede da sede electrónica da Deputación Provincial da Coruña "sede.dicoruna.es". Adopción dos acordos que procedan.

O señor presidente da comisión **Santiago Vicente Amor Barreiro** expón substancialmente o asunto e di que no ano 2009 concedeuse aos Concellos de Ames e Brión cerca de 300.000,00 euros para a implantación da Administración electrónica. O primeiro é ter unha sede electrónica polo que se propón unha adhesión á sede da Deputación, que estaría operativa os 365 días do ano, as 24 horas. Di que o Concello ten que adaptarse, tal e como figura no expediente, a unha serie de compromisos, similares en tódolos Concellos, e que van desde manter actualizados os rexistros municipais a asumir a responsabilidades na xestión, dos servizos da súa competencia postos a dispor dos cidadáns. Tense que designar un representante e un substituto para as relacións cos responsables da sede electrónica da Deputación, ter actualizados os contidos, ter continuamente dispoñible a sede electrónica aos cidadáns e os servizos que se prestarían a través dela e a achegar a infraestrutura

técnica e organizativa. A Deputación pola súa parte comprométese a comunicar ao concello tódalas incidencias que se poidan producir sobre todo no tocante á interrupción do servizo, a actualizar os sistemas tecnolóxicos, a aplicar os sistemas de seguridade para garantir a lei de protección de datos e a designar por parte da Deputación tamén un interlocutor para relacións co Concello. A adhesión non ten ningún custe para o Concello e o prazo de duración do convenio sería de catro anos. O mantemento correría a cargo da Deputación e iríase en línea co procedemento que se está a levar a cabo a través da plataforma do SIGEM.

Intervén o señor concelleiro do grupo municipal socialista don **José Miñones Conde** para preguntar se se coñece quen van a ser as persoas que se designarán polo Concello como representante e substituto.

Responde o señor presidente don **Santiago Vicente Amor Barreiro** que serían el, como responsable da área, e o técnico informático do Concello don Miguel Díaz Aviñoá.

Tras un breve cambio de impresións o asunto é ditaminado favorablemente coa abstención dos membros do grupo municipal socialista e o voto a favor dos restantes membros da comisión informativa.

Punto terceiro.- Aprobación inicial da Ordenanza reguladora da administración electrónica municipal do Concello de Ames.

O señor presidente da comisión **Santiago Vicente Amor Barreiro** indica que se os señores concelleiros teñen algunha pregunta de índole técnico que aproveiten para facela tendo en conta que están presentes os técnicos.

Intervén o concelleiro do grupo socialista don **José Manuel Miñones Conde** e pregunta no relativo aos requisitos de identificación e autenticación, que o artigo 13 pon que no caso de que os cidadáns non dispoñan de certificado electrónico a identificación a poderá facer de forma válida un funcionario municipal, o que lle leva a supoñer que terá que haber uns formularios e si non os hai, se deberían ir preparando por que van a ser moitos os cidadáns que non teñan certificado electrónico. Di que a propia ordenanza mais adiante incluso di que eses formularios deberán estar habilitados de maneira electrónica.

Continúa dicindo que no artigo 17, taboleiro de anuncios electrónicos, fálase de que as publicacións poderán ser substituídas polas do taboleiro de anuncios electrónico e pregunta si isto se vai facer ou non, si se van a manter os dous servizos ou se manterá o taboleiro de anuncios tal e como se fixo ata o de agora. Propón que xa que se reflicte que ese taboleiro de anuncios se poderá publicitar na sede electrónica e noutros puntos de acceso que se determinen, que se usen as pantallas informativas para poñer eses anuncios electrónicos.

En relación ao artigo 10 di que se fai referencia que para iniciar un procedemento administrativo por medios electrónicos, o Concello poñerá a disposición na sede electrónica os correspondentes modelos de solicitude, podendo existir un modelo xenérico.

No tocante aos certificados, pregunta si se vai a dar algún tipo de formación desde a Deputación ao persoal, xa que Concello vai ser sede ou subsede para que o cidadán adquira o certificado da fábrica de moeda e timbre, polo que a xente solicitarao no Concello e despois o Concello iniciará as xestións coa Deputación e esta coa fábrica de moeda e timbre, polo que considera imprescindible que o persoal teña formación.

Intervén o señor presidente **Santiago Vicente Amor Barreiro** e indica que no caso do servizo de recadación, que foi delegado na Deputación, se está recibindo formación polo que con isto sucederá o mesmo.

Propón don **José Manuel Miñones Conde** que a propia empresa encargada da implantación da administración electrónica no Concello se encargue tamén da formación ao persoal. Continúa dicindo que o obxectivo de todo isto é a eliminación

do papel e o artigo 24 pon que se promoverá a eliminación de certificados e documentos en papel e que se substituirán por certificados e documentos electrónicos. Preocúpalle saber como se vai proceder a destruír esa información, si se vai a destruír, si se vai a almacenar e onde se vai a almacenar. Aproveita para pedir que se poña en marcha o protocolo, que xa estaba bastante avanzado, de protección de datos.

Intervén o técnico informático do Concello don **Miguel Díaz Aviñoá** para dicir que dentro das sedes electrónicas, pódese acceder a calquera que está colgada dentro da sede da Deputación, algúns Concellos inclúen na súa propia normativa a lei de protección de datos. Cree recordar, habería que comprobalo, que xa existe un ficheiro no que se incluía o rexistro telemático, non obstante ao mellor habería que matizalo.

Don **Jose Manuel Miñones Conde** pregunta si se vai facer unha ordenanza específica para o rexistro telemático tal e como se contempla no artigo 29 da ordenanza, si valerá coa da Deputación ou farase algo mais específico.

Intervén o informático don **Enrique Freire Camafeita** para dicir que teñen que comprobar si incluiron o ficheiro ou non, en calquera caso sempre se pode dar de alta outro ficheiro específico para este asunto.

Don **Miguel Díaz Aviñoá** cree que para o rexistro telemático o teñen feito, pero visto que se poden facer outros dentro dos 49 procedementos que hai, tal e como figura nunha disposición adicional da ordenanza, iranse facendo progresivamente xa que o arquivo que teñen posiblemente non cubra todos, e posiblemente haberá que trasladar á axencia de protección de datos o requirimento para asegurarse de si vale ou non vale.

Don **José Manuel Miñones** expón que a raíz disto se aproveite para que se lle de o impulso necesario a ese protocolo de protección de datos. Que en relación á cesión documental e conservación dos documentos imaxina que toda a documentación electrónica irá a base de datos que ten e Concello pero quédalle a dúbida de como se vai facer a xestión documental e solicita que se faga a través da Deputación, ou se contrate unha empresa externa para que a partires de xa tódolos documentos que entren, se dixitalicen e se empece a levar a cabo unha xestión documental electrónica.

Informa don **Santiago Vicente Amor Barreiro** que o rexistro xa se está xestionando de maneira dixital.

Don **Miguel Díaz Aviñoá** di que xa se dixitalizaron documentos existentes que pasarán a un arquivo definitivo, e os novos iranse incorporando.

Don **José Manuel Miñones Conde** solicita que desde o Concello se faga un esforzo para publicitar á Administración electrónica e que dese modo ao menos o rexistro se poida facer de maneira electrónica. Informa don **Miguel Díaz Aviñoá** que o propio convenio lles obriga a súa difusión.

Intervén don **Santiago V. Amor Barreiro** para dicir que o protocolo de protección de datos está aínda sen aprobar, pero que teñen a intención de levalo adiante.

Tras un breve cambio de impresións ditaminase favorablemente a aprobación inicial da Ordenanza reguladora da administración electrónica municipal do Concello de Ames cos votos a favor dos membros presentes do grupo municipal PP e o grupo municipal socialista e a abstención dos restantes membros da comisión informativa.

Punto cuarto.- Aprobación inicial da Ordenanza xeral municipal sobre tráfico, circulación de vehículos a motor e seguridade viaria.

O señor presidente da comisión **Santiago Vicente Amor Barreiro** expón sucintamente este punto e indica que logo de delegar as competencias en materia de instrución de expedientes sancionadores e de infraccións en materia de tráfico e circulación, hai que derogar a Ordenanza que tiña o Concello e adaptala á normativa que xa ten establecida a Deputación da Coruña. Di que figuran no expediente as modificacións que os técnicos do Concello consideraron mais oportunas atendendo as particularidades do Concello, e que está presente o inspector da policía local para aclarar calquera tipo de dúbida e que a tesoureira no pode estar presente por motivos persoais pero que lle poden facer calquera consulta ao respecto cando se atope no Concello.

Intervén o señor concelleiro **Anxo Doval Rey** para preguntar por que é necesario facer unha nova Ordenanza.

Responde don **Santiago Vicente Amor Barreiro** que a Deputación pon como requisito que se adapte a súa ordenanza.

Intervén o jefe da policía local **José Antonio Rodríguez Freire** para indicar que, sobre todo, o cadro de sancións hai que adaptalo ao que figura na Deputación, por que ten que ser igual para todos os Concellos.

Don **Anxo Doval Rey** indica que na Ordenanza hai moitas cousas que non teñen nada que ver con Ames, como pode ser por exemplo a referencia ao carril bici.

Don **José Antonio Freire Rodríguez** di que se trata dunha Ordenanza tipo sobre a que se poderá ir facendo modificacións, e salvo certas cousas moi puntuais, a Ordenanza é similar á que xa había.

Pregunta don **José Manuel Miñones Conde** si no relativo ás sancións os Concellos pode fixar uns importes diferentes. Don **José Antonio Rodríguez Freire** indica que os importes os fixa a propia Lei segundo a infracción que se cometa sexa leve, grave ou moi grave, e so nos casos das leves hai un marxe dentro dun límite máximo de 100 euros, nas outras non.

Intervén a señora concelleira dona **Olalla Alvite del Río** e pregunta si o número de prazas de minusválidos ven marcado por lei, porque a ela lle da a impresión que en algunha zona hai un excesivo número delas. Don **José Antonio Rodríguez Freire** resposta que o porcentaxe o marca a lei.

Tras un breve cambio de impresións ditaminase favorablemente a aprobación inicial da Ordenanza xeral municipal sobre tráfico, circulación de vehículos a motor e seguridade viaria cos votos a favor dos membros presentes do grupo municipal PP e o grupo municipal socialista e a abstención dos restantes membros da comisión informativa.

Punto quinto.- Moción do grupo municipal socialista (R.E. 2724, de 18 de febreiro), sobre medidas para potenciar e mellorar o funcionamento da radio municipal do Concello de Ames.

O señor presidente **Santiago Vicente Amor Barreiro** cede a palabra ao grupo proponente da moción.

Intervén o concelleiro do grupo socialista don **José Manuel Miñones Conde** para dicir que propoñen unha serie de acordos para incentivar o uso da radio e que poida chegar mais á xente. Di que van a facer algunha modificación na proposta que traían sobre os acordos, en primeiro lugar o primeiro punto sobre o estudo da cobertura eliminaríase, xa que xa hai un estudo feito polo Concello e incluíriase como primeiro punto “a instalación dunha antena para dar cobertura a todo o municipio de Ames a través da estación de Mar de Ovellas”. Di que existen presupostos disto anteriores e actuais e o custe cree recordar que non excedía dos 18.000,00 euros e incluso pode que non o fixera dos 12.000,00 euros. Parécelle unha cantidade perfectamente asumible e con esa antena sería posible dar cobertura a todo o Concello. O segundo punto quedaría igual, considera que a emisión por streaming é clave e o seu custo

non excede dos 100 euros/mensuais e conseguiríase achegar a radio a través de internet a toda a xente. No terceiro punto teñen que facer unha modificación no referente a presenza na radio dos grupos políticos que sería “os grupos políticos con representación municipal e os membros da corporación previo acordo do seu número”. A outra modificación sería no referente aos 45 minutos, que deixarían aberto para que se estableza nunha comisión de traballo. No punto cuarto engadir outra vez, xa que se volve a falar unicamente dos grupos políticos, aos membros da corporación.

Intervén don **Santiago Vicente Amor Barreiro** para propoñer que cando se fala de que se busquen vías de financiamento a través de convenios con outras administracións se indique que tamén se faga a través de empresas que acheguen publicidade. Don **José Manuel Miñones Conde** di que iso vai implícito e que o obxectivo final para eles é a autoxestión da radio.

Intervén a concelleira dona **Olalla Alvite del Río** e di que a modificación do primeiro punto xa responde a unha das súas reivindicacións, que é a de aumentar a cobertura da radio. Para eles, nunha declaración de intencións como esta, tamén se debería incluír a presenza de asociacións e colectivos veciñais. Don **José Manuel Miñones** indica que ese obxectivo está implícito nesa comisión de traballo da que falaba. Dona **Olalla Alvite del Río** propón que apareza expresamente e non sexa algo implícito.

Continúa dicindo dona **Olalla Alvite** que, no que respecta ao punto catro, o grupo socialista optou por unha forma de xestión da radio, e eles queren deixar claro que a maneira na que se xestione e se introduza a publicidade na radio ten que estar moi ben regulada e moi ben definida, por que pode levar parello un aumento de persoal ou un cambio na labor do persoal existente. Di que non teñen problema en apoiar a moción sempre que se inclúa expresamente o relativo á participación das asociacións e colectivos veciñais.

Don **José Manuel Miñones** cree que o poderían engadir no punto cuarto onde se pon que “se convoque unha comisión de traballo (...) para facer un regulamento para buscar a participación das asociacións e colectivos veciñais.”

A moción, cos engadidos antes referidos, contén a seguinte proposta de acordo:

1. Que se instale unha antena para dar cobertura a todo o Municipio de Ames a través de Mar de Ovellas.
2. Para unha maior difusión e incremento da audiencia e modernización da Radio Municipal, que se dote dos medios técnicos e económicos necesarios para a emisión por streaming a través de internet.
3. Que os Grupos políticos con representación municipal e os membros da corporación previo acordo do seu número teñan unha presenza semanal dun tempo mínimo na Radio Municipal, que se determinará nunha comisión de traballo, e que tamén poidan participar na Radio as asociacións e colectivos veciñais.
4. Que se convoque unha comisión de traballo con presenza de todos os grupos políticos e os membros da corporación previo acordo do seu número con representación municipal para facer un regulamento que permita implementar a publicidade co obxectivo de acadar unha auto-xestión da Radio Municipal.
5. Que se traballe na búsqueda de vías de financiamento a través de convenios

con outras administracións e con publicidade de empresas.

6. Que o Concello, a través dos medios propios dos que dispón (pantallas informativas, páxina web, etc.) se encargue de anunciar e publicitar Ames Radio e o seu canle 107.2.

Tras un breve cambio de impresións o asunto ditaminase favorablemente por maioría absoluta cos votos a favor das/os membros non adscritas/os e dos membros do grupo municipal socialista e a abstención dos membros do grupo municipal popular.

E non habendo mais asuntos de que tratar o señor presidente da por rematada a sesión ás quince horas do día de referencia de todo o que eu como secretaria certifico.